



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Sacerdotale & Clericorum Specvlvm Insigni Pietatis Ac Devotionis Supellectili exuberans

Kinckius, Matthias

Coloniæ, 1662

De defectibus in ministerio ipso occurrentibus,

[urn:nbn:de:hbz:466:1-46628](https://nbn-resolving.org/urn:nbn:de:hbz:466:1-46628)

DE DEFECTIBVS IN

Ministerio ipso occurrentibus.

X.

1. Possunt etiam defectus occurrere in Ministerio ipso, si aliquid ex requisitis ad illud desit: ut si celebretur in loco non sacro, vel non deputato ab Episcopo, vel in Altari non consecrato, vel tribus mappis non cooperto: si non adsint luminaria cerea: si non sit tempus debitorum celebrandi, quod est ab aurora usque ad meridiem, communiter: si Celebrans saltem Matutinum cum Laudibus non dixerit: si omittat aliquid ex vestibus sacerdotalibus: si vestes sacerdotales & mappæ non sint ab Episcopo, vel ab alio hanc habente potestatem benedictæ: si non adsit Clericus, vel alius deserviens in Missa, vel adsit qui deservire non debet, ut mulier: si non adsit Calix cum Patena conveniens, cuius cuppa debet esse aurea, vel argentea, vel stannea; non ærea, vel vitrea: si corporalia non sint munda, quæ debent ex lino, nec serico in medio ornata,

ornata, & ab Episcopo, vel ab alio hanc habente potestatem benedicta, ut etiã superius dictum est: si celebrat capite cooperto sine dispensatione: si non adsit Missale, licet memoriter sciret Missam, quam intendit dicere.

2. Si Sacerdote celebrante violetur Ecclesia ante Canonem, dimittatur Missa: si post Canonem, non dimittatur. Si timeatur incursus hostium, vel alluvionis, vel ruina loci ubi celebratur, ante consecrationem dimittatur Missa, post consecrationem verò Sacerdos accelerare poterit sumptionem Sacramenti, omiſſis omnibus aliis.

3. Si Sacerdos ante Consecrationem graviter infirmetur, vel in sincopen incidit, aut moriatur, prætermittitur Missa: si post Consecrationem Corporis tantum, ante consecrationem Sanguinis, vel utroque consecrato id accidit, Missa per alium Sacerdotem expleatur ab eo loco, ubi ille desit, & in casu necessitatis etiam per non ieiunum: Si autem non obierit, sed fuerit infirmus, ad eò tamen ut possit communicare, & non adsit alia Hostia consecrata, Sacerdos qui Missam supplet, dividat

dat

dat Hostiam, & unam partem præbeat infirmo, aliam ipse sumat. Si autem semiprolata forma Corporis obijt Sacerdos, quia non est facta consecratio, non est necesse, ut Missa per alium suppleatur: Si verò obeierit semiprolata forma Sanguinis, tunc alter prosequatur Missam: & super eundem Calicem repetat integram formam ab eo loco, *Simili modo postquam cœnatum est*: vel posset super alium Calicem præparatum integrâ formam proferre, & Hostiam primi Sacerdotis & Sanguinem à se consecratum sumere, ac deinde Calicem relictum semiconsecratum.

4. Si quis extra huiusmodi casus necessitatis, integra Sacramenta non sumperit; gravissimè peccat.

5. Si musca, vel aranea, vel aliquid aliud ceciderit in Calicem, ante consecrationem, projiciat vinum in locum decentem, & aliud ponat in in Calice, misceat parum aquæ, offerat ut suprâ, & prosequatur Missam: si post consecrationem ceciderit musca aut aliquid eiusmodi, & fiat nausea Sacerdoti, extrahat eam, & laver cum vino, finita Missa cõburat, & combustio ac lotio huiusmodi

H

in

in sacrarium proijciatur. Si autem non fuerit ei nausea, nec ullum periculum timeat, sumat cum sanguine.

6. Si aliquod venenosum ceciderit in Calicem, vel quod provocaret vomitū, vinum consecratum reponendum est in alio Calice, & aliud vinum cum aqua apponendum, de uero consecrandum: & finita Missa sanguis repositus in panno lineo, vel stuppa tam diu seruetur, donec species vini fuerit desiccata, & tunc stuppa comburatur, & combustio in sacrarium proijciatur.

7. Si aliquod venenatum contigerit Hostiā consecratam, tunc alteram consecret, & sumat modo quo dictum est, & illa seruetur in tabernaculo loco separato, donec species corrumpantur, & corruptæ deinde mittantur in sacrariū.

8. Si sumendo sanguinem, particula remanserit in Calice, digito ad labiū Calicis eam adducat, & sumat ante purificationem, vel infundat vinum & sumat.

9. Si Hostia ante Consecrationem inveniatur fracta, nisi populo evidenter appareat, talis Hostia consecretur: si autē scandalū populo esse possit, alia accipietur,

eur,
&

eur, & offeratur: quod si illius Hostiæ jam erat facta oblatio, eam post ablucio- nem sumat. Quod si ante oblationem Hostia appareat contrafacta, accipiatur altera integra, si citra scandalum aut longam moram fieri poterit.

10. Si propter frigus, vel negligentiam Hostia consecrata dilabatur in Calicem, propterea nihil est reiterandum, sed Sa- cerdos Missam prosequatur, faciendo cæremonias & signa consueta cum resi- dua parte Hostiæ, quæ non est madesa- cta sanguine. si commodè potest. Si verò tota fuerit madesacta, non extrahat eam, sed omnia dicat omittendo signa, & su- mat pariter corpus & sanguinem, signas se cum Calice, & dicens: *Corpus & San- guis Domini nostri, &c.*

11. Si in hieme Sanguis congeletur in Calice, involvatur Calix pannis calefa- ctis: si id non proficeret, ponatur in fer- venti aqua propè Altare, dummodo in Calicem non intret, donec liquefiat.

12. Si per negligentiam aliquid de san- guine Christi ceciderit, si quidem super terram, seu super tabulã, lingua lamba- tur: & locus ipse radatur quantũ satis est & abrafico comburatur; cinis verò in

sacrariū recondatur. Si verò super lapidem Altaris ceciderit, sorbeat Sacerdos stillam, & locus benè abluatur, & ablutio in sacrarium proijciatur. Si super lintheum Altaris, & ad aliud lintheum stilla pervenerit, si usque ad tertium: lintheamina ter abluantur ubi stilla ceciderit, Calice supposito, & aqua abluitionis in sacrarium proijciatur. Quod si in ipso solùm Corporali, aut si in vestibus ipsis sacerdotalibus ceciderit, debet similiter abluī, & ablutio in Sacrarium proijci. Si in substrato pedibus panno, vel tapeete, bene abluatur ut supra.

13. At, si contingat totum Sanguinem post Consecrationem effundi, si quidē aliquid vel parum remansit, illud sumatur, & effuso reliquo sanguine fiat, ut dictum est. Si verò nihil omninò remansit, ponat iterum vinum & aquam, & consecret ab eo loco. *Simili modo postquam conatum est, facta prius tamen Calicis oblatione, ut supra.*

14. Si Sacerdos evomat Eucharistiam, si species integræ appareant, reverenter sumatur, nisi nausea fiat: tunc enim species consecratæ cautè separentur, & in aliquo loco sacro reponantur, donec

ia

corrumpantur, & postea in sacrariū proijcian-
tur. Quod si species non appareāt, comburatur vomirus, & Cineres in sacrarium mittantur.

15. Si Hostia consecrata, vel aliqua eius particula, dilabatur in terram, reverenter accipiat, & locus ubi cecidit, mundetur, & aliquantum abradatur, & pulvis seu abrasio huiusmodi in sacrariū immittatur. Si ceciderit extra Corporale in mappam, seu alio quovis modo in aliquod linteum, mappa vel linteum huiusmodi diligenter lavetur, & lotio ipsa in sacrarium effundatur.

16. Possunt etiam defectus in ministerio ipso occurrere, si Sacerdos ignoret ritus & cæremonias ipsas in eo servandas: de quibus omnibus in superioribus Rubricis copiosè, dictum est.



H 3

A P-



A P P E N D I X.

*A D V E R T E N D A Q V Æ
dam circa Tabernaculum , Vasa sacra,
Corporalia , & Purificatoria , ne
non circa Eucharistiam ipsam ,
& eius mate-
riam.*

D E T A B E R N A C U L O S A N C T I S S I M I S A C R A - menti.

CLaves Tabernaculi , nulli unquam Laico , ac ne ipsi quidem Ædituo (ut multorum negligentia , qui illas quolibet loco proiectas reliquerunt , quasi pretiosissimus hic thesaurus , minori cura ac studio , quam aurum & margaritæ esset custodiendus , hætenus perperam factum est) credantur , unde nec in Sacristia relinquenda sunt , sed illarum , solus Rector seu Parochus , vel alius Sacerdos de illius
licet